



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CHRISTO CAPITE|| TOTIVS ECCLESIAE,|| QVINQVE LIBRIS|| explicata.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

VI. Proponitur quæstio secunda, quæ est de descensu ad inferos.

[urn:nbn:de:hbz:466:1-53845](https://nbn-resolving.de/urn/resolver.pl?urn=urn:nbn:de:hbz:466:1-53845)

nolle, sed ut ostendat affectum naturalem suæ voluntatis, ad fugiendam mortem, coniunctum cum omni subiectione ad paternam voluntatem. Est enim ac si diceret, Volo ut nō fiat quod volo, id est, volo voluntate deliberata, quæ respicit obiectum cum omnibus circumstantiis, ut non fiat id quod ego volo voluntate naturali, quæ refertur in obiectum secundum se tantum consideratum. Neque sunt contrariae hæ voluntates; nam non sunt circa idem eodem modo consideratum. Et præterea una est potius velleitas, quam voluntas.

DICES, quare Christus orando voluit exprimere illam voluntatem naturalem, quam sciebat non implendam? RESPONDEO cum Chrysostomo in hunc locum, ut ostenderet se esse verum hominem, & verè doluisse, ac passum, & mortuum esse. Si enim cùm tam sæpe expresserit naturales affectus, adhuc plurimi fuerunt hæretici negantes Christi veram carnem & passionem, quid fieret si nullum talem affectum ostendisset?

Præterea voluit hoc exprimere, ut doceret nos non ægrè ferte cùm nō imperramus à Deo id quod petimus: Christus enim in hac oratione partim fuit auditus, partim non auditus. Auditus fuit in eo, quod absolute petebat, iuxta illud Ioan. II. Sciebam quia semper me audis. Non fuit autem auditus in eo quod petuit ex naturali affectu, iuxta illud Psalm. 21. Clamabo per diem, & non exaudies.

CAP VT VI.

Proponitur quæstio secunda, quæ est de descensu ad inferos.

VA BRITVR II. An & quomodo Christus ad inferos descendit. Ac primum omnes conueniunt, quod Christus aliquo modo ad inferos descendit. Nam & Scripturæ passim hoc docent, ut Actor. 2. Non derelinques animam meam in inferno. Et Ephes. 4. Descendit ad inferiores partes terra. Et præterea in Symbolo Apostolico legimus: Descendit ad inferos.

Est autem obseruandum, hanc particulam olim non
fuisse in Symbolo apud omnes Ecclesias. Nam Irenaeus lib.
cap. 2. Origenes initio librorum *περὶ ἀρχῶν*, id est principiis,
& Tertullianus initio librorum contra Praxem, &
libro de velandis virginibus, explicant regulam fidei ab
apostolis traditam, & non meminerunt huius particulae
sepultura transeunt ad Resurrectionem. Item Augustinus
libro de Fide & Symbolo, & quatuor libris de Symbolo
Catechumenos, non meminit huius partis, cum totū Sym-
bolum quinque exponat.

RUFFINVS in explicatione legit & explicat hanc parti-
culam, sed monet, non haberi in Symbolo Romane Eccle-
siæ, nec apud Orientales, tamen implicitè continetur in a-
ticulo de sepultura, quia sicut corpus descendit ad locum
corporum, ita anima ad locum animarum. Porro CYR-
IUS catech. 4. & 14. & Chrysostomus homil. 1. de Sym-
bolo, legunt, & exponunt hanc particulam, & hoc tempore
habetur ubique. Et ita etiam legunt Catechismus Lutetien-
sis maior & minor, item Catechismus Caluini, Brentiani, & Cal-
vini. Ita quoque legunt CENTURIATORES Cat. 1. li-
bro 2. cap. 4. & Petrus Martyr in libello de Symbolo Intra
CALVINVS lib. 2. Institut. cap. 16. § 8. dicit hunc articulum
in præcipuis habendum esse.

Pari ratione in Symbolo Nicæno hæc particula non ha-
betur; in Symbolo Athanasij habetur, & cùm hac Symbola
inter se non pugnant, certum est, saltem implicitè hanc par-
ticulam deesse non posse. Vnde ANSELMVS in libro de
processione Spiritus sancti, dicit, hunc articulum non esse
in Symbolo Nicæno, & tamen recipi summo consensu
omnibus Ecclesiis Orientis & Occidentis.

At quæstio tota est de explicatione huius articuli. Quæ-
tuor autem inuenio expositiones aduersario-
rum, de quibus ordine dispu-
tandum est.

- 0690 -

CAPIT